

午32  
3

產科心法  
上下



道光壬辰嘉平新鐫

# 產科心法

欲印送者可至杭城保佑  
橋東首姚鴻文齋店刷印

壽生堂藏板

# 原序

蓋醫之一道，爲司命之司，原非容易，但能存心濟人，博考羣書，臨症體察，以人性命爲重，雖未能有聖賢之學，而虛實寒熱表裏陰陽，辨釋明白，用藥得當，自不致于悞人，而產科一症，尤宜謹慎守法，略一錯悞，則胎不保，甚至產母亦傷，能無怨乎？至于產後，總屬氣血空虛，丹溪先生云：雖有他症，以末治之，此誠千古格言，自當遵前賢制方選用，斷不可以杜撰悞人，如無憂散、佛手散、生化湯之類，千古不磨，毋庸苟且。每見今人醫產，全不合法，一味杜撰好奇，名爲生化，實非生化之意。設遇體厚者，僥



倖得愈體薄者禍必立至于產後汗出須防元陽外越泄瀉  
卽防中氣下脫喘急更防惡露上逆此皆產後極忌之處而產  
後發熱常有之也緣下元空虛陰虛生內熱只須四物湯加重  
便熱卽退也間有瘀血不行者有經風者有停滯者有蒸乳者  
各審其因而藥之風感者用歸芎補血之中加黑荊芥一味足  
矣蓋產時體虛百節開張腠理不固易入易出若表其汗則元  
陽外越未有不死者也其停滯者只於理脾之藥加穀芽陳皮  
可矣蓋脾虛則不運化宜用陽藥以助脾溫胃卽運化矣須知  
產後有邪總宜補中兼消未有消而不補之理有等初學無傳



之輩放膽竟用柴芩羌防山查神麴之劑似治傷寒之病忘却  
產後之身至輕者變重重者卽死悞人不淺真可畏怕也況中  
風一症乃血虛者多內經謂治風先治血血行風自滅張景岳  
先生師其意發有非風之論此皆醫平人而言尚謹慎如此商  
況產後肝血空虛虛生內風更可知矣夫天地有好生之德吾  
儕寧不慎重于斯而以人性命爲兒戲哉予每見而憫焉因產  
科心法纂選成書此吾數十年來用之效驗悟於心而應於手  
且簡而不繁俾產家觀之爲準繩則性命得以安痊醫家一有  
準繩則舉手無錯悞矣噫圓通之士始可與言斯道耶

乾隆四十五年歲次庚子仲春月

休寧樸齋汪喆纂并序



產科心法上集

目錄

種子門

種子方法

種子歌解

男服補天五子種玉丹

加味法

女服益母勝金丹

濟坤大造丸

胎前門

胎產醫法總論

孕脈心法

脈定男女論

驗胎之法

安胃定胎散





孕婦忌食

藥忌

惡阻

二陳湯

六君子湯

胎動

安胎飲

補中益氣湯

保胎丸

漏胎

四物湯

防風黃芩丸

逍遙散

歸脾湯

八珍湯

半產

子煩

淡竹葉湯

子懸

紫蘇飲

子眩

子癰

羚羊角散

理中湯

子瘡

鯉魚湯

葵苓湯

白朮散

子瘡

瀉白散

六味地黃湯

子鳴

輒水醋

子瘡

小柴胡湯

刺史甘草

參苓茶

子淋

子淋散

安樂散

葵子湯

小便不通

小柴胡湯

茯苓升麻湯

八味湯

滋腎丸

孕悲

大棗湯

淡竹茹湯

白朮散

尿血

續斷湯

膠地湯

清胃散

黃連生地連翹  
升麻麥冬



南京中醫藥大學圖書館藏  
版權所有

乳泣

胎不長

異功散

黃芪湯

白朮丸

熱病防損胎

解毒湯

黃芩黃柏  
黃連梔子

平胃散

妊娠傷寒

香蘇飲

瘧疾

小柴胡湯

柴胡人參茯苓  
陳皮甘草

泄瀉

神朮散

痢疾

葛芍湯

香連丸

鬼胎

雄黃丸

斬鬼丹

吐血

加味

香蘇飲

加減

清胃散



便血

大便燥結

孤漿

悞服毒藥

心痛

火龍散

手拈散

胸腹痛

當歸芍藥散

腰痛

青娥丸

附痰鼓似胎治驗案



神前銀葉

青銀大

萬壽金銀

水藥類 手掛類

神前毒藥

神前

太神銀絲

神前



北京中醫藥大學圖書館版權所有

種子方法

聖書云、不孝有三、無後爲大、蓋爲人子者、以宗祧爲大事、大凡年輕之人、精力強壯、原不難于生子、獨恐其不安靜、常多隨受隨落、至于男女體薄、而艱於子嗣者、延至四十之外、尚未得寧、寧不心慌、其五六旬者、更不待言也、如欲得子、試聽吾言、依法行事、生男生女、其權原在自手、頗有應驗、豈可視爲戲談、而至自悞無後耶、

其法先宜積德存陰騭、再自量男人本體如何、大凡難得子者、病有四件、其一、氣不足、臨事必不能遠射、不射則精不入子宮、



精不入子宮，孕從何來？且氣旺則能生精，氣虛則精必少；其  
精薄、血虛則精必薄，薄而不凝結，何能成孕？其三不戀場，設  
房事未及入門，精已泄，或既入門未戰數合即出矣；子宮  
未啓門迎接，女興方起，男興已盡，將何物以結胎？其四精寒，精既  
寒冷，投入必不凝結，蓋陰陽交合，必陽精熱，陰戶煖，二人相火  
並旺，性志合于一處，一交一受，自能成胎。如春暖則萬物發生，  
冬冷則萬物消索，此天地陰陽自然之理也。人有前四者之病，  
故艱于子嗣矣。然四者之病，吾惟一方加減，自可盡其妙用，不  
比他書多方繁衍，久服吾藥，病自去，而子必得也。又如女人，惟



以經期月準無不受孕只恐體薄血不旺乃可娶妾以生爲  
陽得配少陰之象或者服藥却其病病去經調無不叶吉  
以一方加減而盡其妙天下娶婦不生子者皆男人之體  
非婦人之罪也男女既無病矣何不卽生自是不知種法今總  
發于後請細玩之定當生多子

種子歌

三十時辰兩日半二十八九君須算落紅滿地是佳期金水過  
時空霍亂空霍亂今枉施工樹頭樹底覓殘紅要知落花先結  
果何愁桂子不成叢此詩古書皆有但未詳解予特爲之發

明蓋三十時辰本是兩日半，但從經行之時記之，在三十個時辰之外，即可端正行事。三十時辰之內，切勿亂動，動則婦人作病。故曰二十八九君須算，言尚未過三十時辰，不宜行房事耳。落紅滿地是佳期，言已過三十時之外，不必待其紅盡，即當種子矣。則四十時亦可。人每待其紅淨而後交合，則子宮已閉，或未閉而受孕者，定是女胎。故下文明言曰：金水過時，空霍亂，空霍亂兮枉施工。樹頭樹底覓殘紅，此發明必帶殘紅未盡時，精入尚有殘紅，包裹而成孕。紅盡則子宮空虛，多難停留，只惟年壯血旺婦女，或者新血立至，然必是女胎何也？予曰：此即血冲。



精精被冲開血反入內合成離卦之象也人之成胎不過精血  
二物一刻間而凝結交至極樂之候精泄之時已成胎矣夫胎  
男女自有知覺之妙俱在心神精氣共到之候若耳聽目視  
不成胎矣何也以其心神不到之故也詩之後聯云要知落  
先結子何愁桂子不成叢亦言不必待盡之意試看荷花鳳仙  
石榴一切結果之花花瓣未盡落而中心先已結子矣然其訣  
仍宜于半夜後交子時陽分種之定是男兒且夫婦睡至半夜  
均得溫煖氣血和勻斯時交合穩得麟兒再若遇婦人行經在  
月半前更妙予常以此法傳人多得子矣應驗如神